

自應以采所著大議如齊秦晉楚本非國姓亂其族系他姓尚多有之良由應劭一誤後世相沿未知有改故也獨林寶作元和姓纂稍能是正歐陽脩作通志相表九九十三族尤為精詳至鍾陳韓高之氏亦有訛辨近世名儒又有作古今姓氏辨證之書者此諸牒之學也昔李義府不得與於李德崇之譜乃傳致其罪杜正論不能齒於城南之譜乃鑿摘其非今欲定譜牒而後為真使天下後世知所以尊祖敬宗之道必能因其所是正其所非以刊一定之書如成周小吏之所職者以頒行於天下俾天下明其本系之所自出則世系之混糅昭穆之紊亂其何慮歟

群書考索卷三十四

後集

群書考索卷三十五

後集

山堂先生章俊卿編輯
建陽知縣區玉校刊

。土門

姓

書曰錫土姓。國語曰司商協名姓

司商掌賜族受姓之官商金聲清謂人始生吹律合之定其姓名

又曰昔少典生黃帝炎帝

少典皆諸侯國號稱人名也

黃帝以姬水成炎帝以姜水成成而異德故黃帝為姬炎帝為姜。史

記曰黃帝二十五子得姓者十有四人晉司空爽子曰黃帝之子二十

五宗其得姓者十四人為十二姓

姬酉祁已滕箴任荀唐姁依

惟青陽與林氏同于黃帝故皆為姬姓。史記夏義曰禹為姬姓其後分封用國為姓故有夏后氏有扈氏有男氏斟尋氏彤彤氏褒氏費氏和氏繒氏辛氏冥氏斟氏戈氏。殷贊曰契為子姓其後分封以國為姓有殷氏宋氏辛氏相氏稚氏北殷氏目夷氏。周語曰伯禹疏川道淵鍾水豐物皇天嘉之祚以天下賜姓曰姒氏曰有夏謂其能以嘉祉富生物也祚四岳國命為侯伯賜姓曰姜氏曰有呂謂其能為禹股肱心膂以養物豐民人也。左傳襄十年瑕禽曰昔平王東遷吾七姓從王。通鑑漢高帝賜姜敬姓劉氏。唐高祖賜徐世勣李氏終之世有易姓如衛青之徒其後劉元海本匈奴種以冒頓與漢和及其外祖遂謂姓劉其弊至此豈非高帝有以啓之歟。唐世人主非其親者附之屬籍或加於夷狄盜賊以逆賊異類為同宗其弊至此豈非唐高祖有以啓之歟。范祖禹曰古之賜姓所以別之今之賜姓適以亂之氏

左傳襄二十四年范宣子謂穆叔曰昔句之祖自雲以上為陶唐氏

夏為御龍氏在商為宋韋氏

宋韋國名東郡曰馬縣東南有韋城

在周為唐杜氏

唐杜二國名殷末宋韋國於唐周成王滅唐遷之於杜為杜伯杜伯之子隰叔奔晉四世及士會食邑於范復為范氏杜今京兆杜縣

晉主夏盟為范氏。

禮書曰古者或氏於國則秦晉齊吳氏於謚則文武成宣氏於官則司馬司徒氏於爵則王公王孫氏於字則孟孫叔孫氏於居則東門此郭氏於志則三馬五鹿氏於事則巫乙丘陶而受姓命氏燦然著矣

馬援其先趙將號曰馬服君子孫因以為氏。魯恭其先魯顏公為楚威遷於下邑因氏焉。樊宏其先周仲山甫封于樊封氏焉馮魴先魏之支則食采馮城因氏焉。宋暉其先微子之後也周襄諸侯滅宋奔陽易姓為朱本傳注姚策

族

書堯典曰以親九族以睦高祖九族之親。韋陶謨曰篤叙九族。仲氏之誥

曰志自滿九族乃離

詩葛藟刺平王也棄其九族焉。角弓刺幽王不親九族也行筆內睦九族

周禮小宗伯掌三族之別

禮記仲尼燕居曰閨門之內有禮故三族和三族父子孫也

周禮大宰宗以族得氏。太宰伯以飲食之禮親族兄弟

陳禮書曰書與詩序皆言九族持周禮小宗伯儀禮士昏禮記仲尼

燕居特言三族者三族父子孫也九族高祖至玄孫也三族舉其本

九族極其末舉三族則九族見矣白虎通夏侯陽何琦如淳之徒

以父族四母族三妻族二為九族其說蓋以詩之葛藟刺平王不親

九族而言謂他人父謂他人母類并刺幽王不親九族而言豈伊尹

人兄弟甥舅角弓亦刺不親九族而言兄弟婚姻無胥遠矣則所

九族者非特內宗而已是惡知詩人之所生者因內宗而發哉彼謂

父族四者父之姓為一族父女昆弟適人者子為二族已女昆弟適

父者子為三族已女適人者子為四族三者母之父母為一族母之

昆弟為三族母之文昆弟為三族妻族二者妻之父為一族妻之母

為二族然於母之母則合而為一族妻之父母則離而為二可乎魯

威公六年隋姜果曰親其九族以致其裡祀杜預注曰九族謂外親

祖母從母子及妻父妻母姑之子姊妹之子女子之子并已之同族

皆外親有服而異族者也爾雅於內宗皆曰族於每妻曰黨而已又

禮小功之末可以嫁娶妻之黨固無妨於嫁娶昏禮不容慮其不虞

也然則九族之說當從孔安國鄭康成為正何則小記曰親親以三

為五以五為九上殺下殺旁殺而親畢矣此九族隆殺之差也蓋以

上親父下親子三也以父親祖以子親孫五也以祖親曾高以孫親

曾玄九也

宗

左傳定四年祝鮀曰成王遷建明德以蕃屏周分魯公以商民六族條氏徐氏蕭氏索氏長勺氏尾勺氏使帥其宗氏輯其分族將其類醜以法則周公用即命于周分康叔以商民七族陶氏施氏繁氏錡氏樊氏饒氏終葵氏分唐叔以懷姓九宗職官五正。隱六年翼九宗五正傾父之子嘉父逆晉侯于隨

注云五正五官之長太宗一姓為九族也

自唐始分世為晉世強家又晉襄卒得強家之力此宗法之所以善也又叔向云羊舌之宗十一族亦此類也

大宗。小宗。百世不遷之宗。五世則遷之宗。

大傳曰別子為祖繼別為宗繼禰者為小宗有百世不遷之宗有五世則遷之宗百世不遷者別子之後也宗其繼別子之所自出者百世不遷者也宗其繼高祖者五世則遷者也

禮記曰百夫無長不散則亂一族無宗不繼則疎先王因族以立宗族宗以尊祖故吉凶有以相及有無得以相通尊卑有分而不亂

疎有別而不式

禮記所謂不式漸之類

貴賤有繁而不簡

又王世子曰雖易然

後一宗如出乎一族一族如出乎一家一家如出乎一人此禮俗所

以成而人倫所以厚也蓋公子不得稱先君故為別子而斷別者族

人宗之為太宗遠雖至於絕屬猶為之服齊衰三月母妻亦無庶子

不得祭祖故諸兄弟宗之為小宗以其服服之大宗遠祖之正體則

一而已小宗高祖之正體其別有四則繼禰者兄弟宗之繼祖者從

兄弟宗之繼曾祖者從祖兄弟宗之繼高祖者族兄弟宗之四世則

親盡屬絕而不為宗矣既已無服遂易其宗所謂五世則遷之宗然

言繼別為宗人言繼別子之所自出者言繼禰為小宗又言宗其繼

高祖者則繼別者別子之子也繼別子之所自出者即別子也繼禰

者庶子之子也繼高祖者五世之孫也繼禰言其始繼高祖言其終

繼言無其宗繼別子之所自出言其祖經言繼別子之所自出而孔

穎達言別子之所由出然則別子所由出即國君也其可宗乎穀梁

曰燕周之分子也分子即別子也然別子不特公子而已有來自他

邦而為卿大夫者亦謂之別子有起於民庶而為卿大夫者亦謂之別子

有小宗而無大宗。有大宗而無小宗。有無宗而莫之宗。諸侯之公子上不得宗君下未為後世之宗必有以統之故有三者之宗道也若無適昆弟使庶昆弟一人為宗統公子禮如小宗故曰有小宗而無大宗君有適昆弟使之為宗以統公子不復立庶昆弟為宗故曰有大宗而無小宗公子一而已無公子可宗亦無公子宗之故曰有無宗亦莫之宗

說者曰陳國錄大宰以九兩繫邦國之民曰宗以族得民蓋綴之以族王者所以一天下後世徒蔽於害而莫見其利遂使先王良法美意不可復用如商之士族實封康叔懷姓九宗實封唐叔必曰世家大族有害於國豈成王不仁於二國哉是必強宗大族禮義是以齊其家而好尚足以率其俗正有國者之所以治者此孟子所以拳拳於巨室也不幸周之威齊之田井國遂君遂以大家為不可容國人士都關中遂從

齊諸田樊昭王而武帝以六條訪察自以強宗豪右為言陵夷至於晉士大夫猶有群聚而揆起者不幸五胡亂華奔逐四至於元魏分析陰戶而先王宗以族得民之事始散而不可復收矣

禮記載大宗之法皆古大夫之家有采地者也蓋嘗論之天下有大宗天子是也國有大宗諸侯是也家有大宗大夫是也天子既為天下宗矣而王子王孫之又為諸侯則猶為一國之宗諸侯既為一國之宗矣而公子公孫之為大夫則猶一家之宗若士夫庶人有升而為大夫則一家之人宗之大夫有進而為諸侯則一國之人宗之人宗之諸侯有黜而為大夫則宗其為諸侯者而已不得為宗大夫有廢而為士庶人則宗其為大夫而已不得為宗至於公族疎遠而為士庶人則皆宗於人者也舉天下之人已不為宗則宗於人未有獨立而無宗者也

東坡曰古者立宗之道嫡子既為宗則未庶子之嫡子又各為庶子之宗其法止於四而其實無窮自秦漢以來天下無世卿大宗之法不可以復立而其可以收合天下之親者有小宗之法存而莫之行此甚可

惜也。今天下所以不重其族者，有族而無宗也。有族而無宗，則族不可合。族不可合，則雖欲親之而無由也。族人而不相親，則忘其祖矣。今世之公卿大臣賢人君子之後，所以不能世其家如古之久遠者，其族散而忘其祖也。故莫若復小宗。

李氏曰：別子謂公子若始采及在此國者，後世以為祖也。別子之適子適子世世繼別子為大宗。然小宗上盡於高祖，則遠者忘之矣。旁盡於三則疏者忘之矣。故立大宗以承其祖，族人五世外皆合之。宗子之家序以昭穆，則是始祖常祀，非孝乎？同姓常親，非睦乎？重宗者尊祖之義也。

異同

按左氏之書子長之史記其載諸國姓氏與夫世裔皆有可疑者。春秋之時諸侯之國九一百十五，可以知其姓與爵者四十有六。晉楚之類是也。可以知其姓而不可以知其爵者一十有八。焦陽之類是也。可以知其爵而不可以知其姓者一十有七。沈之類是也。其爵其姓皆不可得而知者三十有三。鮮虞陸渾之類是也。不知其姓不可得而知之

而其姓者又不可究信。如以趙為羊姓而子長又以為姬姓，以不鄭國為重黎之後，又以為吳國之後，此其言異同固不足論。至於姜氏為伯夷之後，又以為四岳之後，是其言自相異同矣。舜之咨四岳有能典朕三禮，僉曰伯夷。若以四岳為伯夷，則是唐薦其才也。豈其然乎？此左氏之言姓氏所以為可疑也。子長之史記始於黃帝，迄于漢武，天子世次見於帝紀，諸侯世次見於世家。夏之後則為杞，商之後則為宋，以其世家本紀併而攷之，則其苗裔歷歷而可考。至於滕薛邾郚之屬，雖其事見於春秋，而其世次之不傳者，又不可盡信。堯乃舜之從高祖而舜乃妻其女，鯀乃舜五世從叔公與舜同為堯臣。湯與王季同世也。湯下傳十六世而為紂，王季傳一世而為文王。二世而為武王，則是文王以十五世祖而臣事十五世孫，紂武王以十四世祖而伐十四世孫，紂而伐之必不然矣。此子長之論世裔所以為可疑也。大抵去古既遠，抱姓承訛無所取正。左氏猶然，況子長乎？子長猶然，況班固以下乎？左氏以嬴姓為伯翳之後，班固又以為伯益之後，韋昭遂以為伯益即伯翳。

也孔穎達復以伯益為皋陶之子愚嘗按史記之文皋陶之後封豸六伯翳之後封秦垂伯益之後不知所封是則伯益伯翳皋陶各為一族翳與益不得為一人而益不得為皋陶子矣

漢興本於亭長而以為出於唐堯曹魏之興肇於宦官而以為出於管叔振鐸唐之祖起於隴西狄道而以為出於老子皋陶此何異郭崇韜而拜郭子儀之家其不貽笑於君子者幾希矣傳皋陶為士未聞其為大理而以理為李甚不經矣劉子元以漢為陸絳苗裔固以駁漢之非而高堂隆又以魏舜之後其繆尤甚舜為姁氏其苗曰田安有魏氏耶有異姓而反同者何與韓是也成王母弟唐叔虞之後封於韓韓既失國子孫離析江淮之音以韓為何遂從其音以為何氏此退之所以為韓與何同姓而近也至於以婁為劉是高祖一時之言無所經見婁者姁姓之後安可與劉為一耶此則高祖之失也有同姓而反異者則以其姓雖一而所祖不同以杜為氏者有出於襄陽有出於京兆以王為氏者有出於太原有出於河東豈可以共譜哉而李義甫不得預於李

崇德之譜乃傳之致其罪杜正倫不得齒於城南諸杜乃鑿杜固梁則天之罪也

總論

周禮小史奠世繫下昭穆左傳裒仲曰天子建德因生以賜姓胙之土而命之氏諸侯以字為謚因以為族官有世功則有官族邑亦如之禮書曰姓非天子不可以賜而氏非諸侯不可以命姓所以繫百世之正統氏所以別子孫之旁出族則以氏之所聚而已然氏謂之姓故天傳言繫之以姓又言庶姓別於上則氏與姓一也氏又謂之族故羽父為無駭諸侯隱公命以為展氏則氏族一也蓋別姓則為氏氏則有族族無不同氏氏有不同族故八元八凱出於高陽氏高辛氏而謂之十六族是氏有不同族也商氏條氏徐氏之類謂之六族陶氏施氏之類謂之七族宋之華氏謂之戴族向氏謂之威族是族無不同氏也

有因德而賜姓

四岳左禹治水有功賜姓曰姜氏曰呂氏

有因土而賜姓

陳舜之後為之受姓也本因姓之居于媯汭賜姓曰媯

有因官而姓者

倉氏 韋氏 司空 司馬

有因邑而姓者

諸氏因於**諸**子召食來於諸而子孫承之易子為楮

有因字之省文而易姓者

于氏出自姬氏之去邑為子喬氏出自姬姓之橋去木而為

喬有聲音之相近而易姓者

辛本莘也辛莘相近遂為辛氏郭本魏也郭魏相近魏遂為郭

有因見於丙殿而易姓者

丙本李也李陵之裔自丙殿見於丙殿故賜姓焉

有因文在手而易姓者

武氏出自周平王之少子生而有文在其手曰武遂以為氏

有因語音之訛而易姓者

宇文出自神農之後以有其嘗草之功自號為侯汾氏其後訛而

宇文氏

有逃自竇出而易姓者

竇氏本自姓也有仍逃出自竇故少康以為竇

王氏之姓不一

王氏出自姬姓周靈王太子晉之後時人號曰王家故曰王氏太原

王根郡王其後也又有出自畢公高之後魏信陵公子孫時人以其

故王族號曰王家故為王氏

裴氏之姓不一

裴出風姓非子之交孫封非邑卿故為非氏至非後世去邑從衣

為裴此一裴也晉平公封顓帝之孫於裴中號裴君此一裴也此不

可不辨

卷三十五
禮書曰方周盛時宗族之法行故常棣行葦之美作於上以弓頗弁之
刺不聞於下以此治國而國有倫以此繫民而民不散則宗子之於天
下豈小補哉及秦用商君之法富民有子則分居貧民有子則出贅上
雖王公大人亦莫知有敬宗之道矣

秦興滅舉而宗譜不立及漢司馬遷修史記上述黃帝下迄麟趾採世
本世系而作帝紀採周譜國語而作世家由是人乃知姓氏之所出西
漢之間人皆有姓氏以國者韓陳許鄭魯趙魏最為多武晉賈弼有
姓氏傳十八州百十六郡合七百二十二篇甄析士類無所遺缺賈希
鏡撰姓氏要狀賈執作姓氏英賢齊宋譜牒之學浸興有司選舉必稽
譜牒以考其真偽官有世胄譜有世官分天下之姓而四四名過江則
有僑姓而王謝氏蕭為大東南則有吳姓而朱張顧陸為太山東則有
郡姓而王崔盧鄭為大關中亦有郡姓而韋裴柳薛楊杜首之代北則
虜姓而元長宇文陸源實首之以中國士人差第閥閱而為之制遂分
為甲乙丙丁之號焉夫以此言選舉以此考賢才以此形品藻豈上出

所以別姓氏之意耶甚者至於賈昏而求財鑿杜而通譜悠悠風塵泊
表襲恥以何理哉其間有欲懲其弊者後至於譜牒脫落迄無考按而
世數既遠終不知其何姓氏其失又甚焉嗚呼綴之以姓系之以氏所
以序昭穆別婚姻使天下知敬宗尊祖而不忘本者古人之意也奈何
漢尚官魏晉尚姓南北尚詐隋人因仍而欺弊莫革漢高帝命官以賢
詔爵以公先王公卿之位才則用不才則棄期尚官也魏立九品置中
正尊也位卑寒素而權舉右姓北變官而尚姓矣晉宋因之以別貴賤
分士庶選舉之際皆用譜牒至北齊凡舉秀才州主簿郡功曹必四姓
乃其選也其尚詐又如此也文之弊至於尚官尚書之弊至於尚姓尚
姓之弊至於尚詐隋承其後乃反古之道罷鄉舉離土著尊執事之史
由是無鄉舉里選無衣冠士族而庶人贅矣北唐太宗所以命高士廉
而定氏族也初武德中李守素亦明姓氏謂之族譜貞觀中太宗命高
士廉普責天下譜約史傳考其真偽進忠賢退悖惡先宗室後外戚右
膏梁左寒賤凡二百九十三姓千六百五十一家分為九等號氏族志



